

INUIT ATAQATIGIIT INATSISARTUNI



04.10.2023

UPA2023/62

Allannguut

Siunnersuut 22.12. 2022-meersoq taarserpaa

(Allanngortinneqarpoq siunnersuuteqartup atia (Inatsisartunut ilaasortaq Agathe Fontain, Inuit Ataqatigiit) taarserneqarpoq (Inatsisartunut ilaasortaq Pipaluk Lynge, Inuit Ataqatigiit))

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Innuttaasunut, aalisartut, piniartut savaatillillu inuussutissarsiorlutik ingerlatsinerminni silap allanngoriartorneranut attuumassutilimmik ajunaarnersuarmut assingusumik eqqugaasut aningaasatigut ikiorserneqarnissaat siunertaralugu Naalakkersuisut Aningaasanut Inatsimmi kontumik nutaamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Kontomik pilersitsinerup peqatigisaanik kattuffiit attuumassuteqartut suliamut akuliutsinnerisigut ikiorsiisarnermik aaqqissuussinermut periusissanik aalajangersaanissamik Naalakkersuisut suliaqassapput, tamanna kontumi pingaarnermi oqaasertaliinikkut imaluunniit namminerisamik inatsisissatut siunnersuuteqarnikkut pissaaq.

(Inatsisartunut ilaasortaq Pipaluk Lynge, Inuit Ataqatigiit)

Tunngavilersuut:

Nunatsinni nunarsuatsinniluutaaq silap allanngornera malugisimavarput. Nunarsuarmi naqissuserneqareerpoq inuit pilersitaanik silap kissatsikkiartornera piosoq. Taamaannera nunatsinni inuussutissarsiornitsinnut sunut tamanut aamma kalluaavoq. Annertuumik eqqugaasut tassaapput sila avatangiiseralugu inuussutissarsiortut, ataqqinartut aalisartut piniartut aammalumi ataqqinartut savaatillit.

Nuna tamakkerlugu iliuuserisinnaasarpur tassaavoq ajunaarnersuaqarnernut aningaasanik immikkoortitsisarnitta assiganik aningaasanut inatsit aqqutigalugu kontumik pilersitsineq. Takorluugara tassaavoq kontu ikiorsiigasuaruarnissamut atorneqassasoq.

INUIT ATAQATIGIIT INATSISARTUNI



Silap kissatikkiartornerata kingunerisaanik eqqorneqartut ikiorserneqariartarnerat maanna kipiluttunarpog. Naliginnaasumik kommuuni aqqutigalugu inunnut ikiorsiissutinik qinnuteqartarnerit sila pequtigalugu inuussutissarsiorsinnaajunnaarnermut naleqqussarneqarsimangillat atorineqarsinnaanatillu.

Siunnersuutigaara Naalakkersuisut kattuffiit susassaqtut peqatigalugit silap allangornerata kingunerisaanik inuussutissarsiorsinnaajunnaartoqartillugu qinnuteqarfiusinnaasumik Naalakkersuisut suliaqassasut. Naalakkersuisut kontumik pilersitsiutigalutik ikiorsiinissamut periutsimik eqaatsumik aaqqiissutaasinnaasumik suliaqassallutik.

Taama ittumillu siunnersuuteqarnerni nunarsuarmioqatigiit silap kissatsikkiartuinnarneranut eqqornerlunneqartunut pisussaaffeqartariaqarnerat tunngavingalugu, Naalakkersuisut siulittaasuat kaammattorumavara ministeriunermik ataatsimeeqateqarnerminni qanoq nunarsuarmioqatigiit silap allangorneranut eqqornerlunneqartut pillugit ikioqatigiissinnaaneranguniarlugu suliniuteqarnissamik nunarsuarmioqatigiinnut nunarput peqatigalugu inassuteqaqqullugu.

Pisortanut aningaasatigut allaffissornikkullu kingunerisassai:

Missingerneqarpoq siunnersuut AC-fuldmægtigip ukioq ataatsip kaajallallugu sulineratut 500.000 koruunit naliganut akeqassasoq, taassumalu saniatigut missingersuutigineqarpoq kontup ingerlanneqarneranut ukiumut AC fuldmægtigip ukiup affaanut sulineratut naleqassasoq, tassa 250.000 koruuninik.

Namminersortunut aningaasatigut allaffissornikkullu kingunerisassai:

Namminersorluni inuussutissarsiuteqartunut ajornannginnerusumik allaffissornikkut qinnuteqaasiornissamut siunnersuut iluaqutaassaaaq.

Innuttaasunut aningaasatigut allaffissornikkullu kingunerisassai:

Kinguneqassanngilaq.

INUIT ATAQATIGIIT INATSISARTUNI

